

## **К ОПУБЛИКОВАНИЮ**

### **КОМИ РЕСПУБЛИКАСА ЮРАЛЫСЬЛÖН ИНДÖД**

#### **Коми Республикаса Юралысь бердын сиктса мутасьяс сöвмöдöм серти сöвет йылысь**

Шуа:

1. Котыртны Коми Республикаса Юралысь бердын сиктса мутасьяс сöвмöдöм серти сöвет да вынсьöдны сэтчö пырысьяссö 1 №-а содтöд серти.
2. Вынсьöдны Коми Республикаса Юралысь бердын сиктса мутасьяс сöвмöдöм серти сöвет йылысь положение 2 №-а содтöд серти.
3. Тайö Индöдыс вынсялö сйöс кырымалан лунсянь.

Коми Республикаса Юралысь

В. Уйба

Сыктывкар

2020 вося öшым тöлысь 29 лун

151 №

ВЫНСЬӦДӦМА

Коми Республикаса Юралысьлӧн

2020 во ӧшым тӧлысь 29 лунся 151 №-а Индӧдӧн

(1 №-а содтӧд)

Коми Республикаса Юралысь бердын  
сиктса мутасьяс сӧвмӧдӧм серти сӧветӧ

### **ПЫРЫСЬЯС**

- Уйба В.В. - Коми Республикаса Юралысь (Сӧветӧн  
веськӧдлысь)
- Габушева Г.И. - Коми Республикаса Веськӧдлан котырӧн  
Юрнуӧдысьӧс вежысь (Сӧветӧн веськӧдлысьӧс  
вежысь)
- Чуяшкова М.В. - Коми Республикаса национальной политика  
министерствоын канму кывъяс юкӧнса начальник  
(Сӧветса секретар)
- Ахмеева Э.А. - Коми Республикаса экономика сӧвмӧдан да  
промышленность министр
- Бахтина И.С. - Коми Республикаса Веськӧдлан котырӧн  
Юрнуӧдысьӧс вежысь
- Габов А.И. - «Коми войтыр» коми войтырлӧн дӧнмукогтса  
ӧтйӧза ӧтмунӧмлӧн исполкомӧн веськӧдлысь,  
«Агрокомплекс» акционер котырса медыджыд  
директор (сӧрнитчӧмӧн)
- Герасимова Е.И. - «Русь Печорская» дӧнмукогтса ӧтйӧза ӧтмунӧмлӧн  
сӧветӧн веськӧдлысь, «Чилимдӧн» муниципальной  
районлӧн администрацияын котыртан да юӧртан  
удж секторса эксперт (сӧрнитчӧмӧн)
- Дмитриева Т.Е. - шӧр тшупӧда наука туялысь, «Россияса наукаяс

академиялөн Урал юкөнса Коми наука шöрин»  
туялан удж нуодысь федеральной шöринлөн  
федеральной канму сьöмкуд наука учреждениеын  
Россияса наукаяс академиялөн Урал юкөнса Коми  
наука шöринын Войвывлөн социально-  
экономическöй да энергетическöй мытшöдьяс  
институтлөн мутас сöвмöдан мытшöдьяс  
лабораторияөн заведуйтысь (сёрнитчöмөн)

Князева Г.А. - «Коми Республикаса вужвойтыр аньяс» дінму  
өтйöза өтмунöмлөн правлениеөн веськöдлысь,  
«Питирим Сорокин нима Сыктывкарса канму  
университет» вылыс тшупöда велöдан  
федеральной канму сьöмкуд учреждениеын  
банковскöй делö кафедраса профессор  
(сёрнитчöмөн)

Королева И.Г. - «Изьватас» изьваса комияслөн дінмукоствса өтйöза  
өтмунöмлөн сöветөн веськöдлысь, «Коми  
Республикаса агропромышленной комплекслы да  
чери овмöслы канмусянь отсöг сетан шöрин» Коми  
Республикаса канму казённой учреждениеса  
Изьваын видз-му овмöс юкөнөн заведуйтысь  
(сёрнитчöмөн)

Носков Р.В. - Коми Республикаса национальной политика  
министр

Попов А.А. - «Россияса войтырлөн ассамблея» ставроссияса  
өтйöза организациялөн Коми дінму юкөнөн  
веськöдлысь, «Россияса наукаяс академиялөн Урал  
юкөнса Коми наука шöрин» туялан удж нуодысь  
федеральной шöринса федеральной канму сьöмкуд  
наука учреждениеын Россияса наукаяс

- академиялөн Урал юкөнса Коми наука шөринын  
Кыв, литература да история институтса медвылыс  
тшупода наука туялысь, профессор (сёрнитчөмөн)
- Семяшкина В.Т. - «Эзысь парма» зумыда сөвмыны отсалан фондса  
директорос вежысь, сиктса олысьяскөд удж серти  
координатор, «Печора мездан комитет» өтйöза  
организацияö пырысь (сёрнитчөмөн)
- Сизев Д.В. - Коми Республикаса өтйöза палатаö пырысь,  
Сьомкуд сөвмөдöмын водзмöстчан проектной  
шöринөн юрнуöдысь (сёрнитчөмөн)
- Турова С.В. - асшöр уджалысь, «Югыд-арт» творческой  
мастерскойöн юрнуöдысь, Коми Республикаын  
асшöр уджалысьяслысь инöдыяс торья дорйысьлөн  
«Кöрткерöс» муниципальной район мутасын  
өтйöза отсасысь (сёрнитчөмөн)
- Хохлов А.В. - Коми Республикаса удж, уджөн могмөдан да  
социальной дорьян министрöс вежысь
- Чукреев Ю.Я. - «Россияса наукаяс академиялөн Урал юкөнса Коми  
наука шöрин» туялан удж нуöдысь федеральной  
шöринса федеральной канму сьомкуд наука  
учреждениеын Россияса наукаяс академиялөн Урал  
юкөнса Коми наука шöринын Войвывлөн  
социально-экономической да энергетической  
мытшöдыяс институтса директор (сёрнитчөмөн)
- Шаронов Д.В. - Коми Республикаса видз-му овмöс да  
потребительской рынок министр
- Эмексузян А.Р. - «Канму службаö да веськөдлыны велöдан Коми  
Республикаса академия» вылыс тшупода велöдан  
канму учреждениеса ректорлысь могьяс олөмö  
пöртысь (сёрнитчөмөн).

ВЫНСЬӦДӦМА

Коми Республикаса Юралысьлӧн

2020 во ӧшым тӧлысь 29 лунся 151 №-а Индӧдӧн

(2 №-а содтӧд)

Коми Республикаса Юралысь бердын

сиктса мутасьяс сӧвмӧдӧм серти сӧвет йылысь

## **ПОЛОЖЕНИЕ**

1. Коми Республикаса Юралысь бердын сиктса мутасьяс сӧвмӧдӧм серти сӧвет (водзӧ – Сӧвет) лоӧ пыр уджалысь сӧвещательнӧй да экспертно-консультативнӧй органӧн, кутшӧмӧс артмӧдӧма сы могысь, медым дасьтыны механизмьяс, кутшӧмьяс могмӧдӧны Коми Республикаын сиктса мутасьяс комплекснӧя социальнӧй да экономика боксянь да этнокультурнӧя сӧвмӧдӧмсӧ, да лӧсьӧдны Коми Республикаса олӧмӧ пӧртысь власьт органьяс, Коми Республикаын меставывса асвеськӧдлан органьяс, гражданскӧй йӧзкотыр институтьяс, бизнес-котыр, наука да мукӧд организация костын Коми Республикаын сиктса мутасьяс сӧвмӧдан ноалӧмьяс серти окталуна диалог.

2. Сӧвет аслас уджын кутчысьӧ Россия Федерацияса Оланподулӧ, федеральнӧй оланпасьясӧ, Россия Федерацияса мукӧд нормативнӧй инӧда актӧ, Коми Республикаса Оланподулӧ, Коми Республикаса оланпасьясӧ, Коми Республикаса мукӧд нормативнӧй инӧда актӧ, а сӧдзжӧ тайӧ Положениеӧ.

3. Сӧвет йылысь положениесӧ да сэтчӧ пырысьяссӧ вынсьӧдӧ да вежӧ Коми Республикаса Юралысь.

4. Сӧветлӧн медшӧр могьясӧн лоӧны:

1) Коми Республикаса Юралысьлы да Коми Республикаса Воськӧдлан котырлы Коми Республикаын сиктса мутасьяс сӧвмӧдан да меставывса ӧткотырьяс зумыда сӧвмӧдан медтӧдчанаторьяс урчитӧм серти

вөйöмьяс дасьтöм;

2) Сöветлөн компетенцияö пырысь юалöмьяс видлалігөн Коми Республикаса олöмö пöртысь власьт органьяслысь, Коми Республикаын меставывса асвеськöдлан органьяслысь, экспертьяслөн да ашöр уджалысьяслөн котырьяслысь, öтйöза öтувьяслысь, наука да мукöд организациялысь уджсö координируйтöм;

3) Сöветлөн компетенцияö пырысь юалöмьяс серти нормативнöй инöда ладмöдöмсö бурмöдöм серти вöйöмьяс дасьтігөн консультируйтöмөн да вöйöмьяс да экспертнöй кывкöртöдьяс дасьтöмөн участвуйтöм;

4) татшöм юалöмьяс видлалöм:

а) мутасьяслөн да меставывса öткотырьяслөн вынйöрьясөн медбура вöдитчöм подув вылын экспертьясөн нуöдан проектьяс да мöвпьяс збыльмöдöм тшöт весьтö сиктса локальнöй экономикаяс сöвмöдны отсалöм;

б) велöдöмөн, инновацияяс ышöдöмөн да финансöвöй ресурсьяс кыскöм серти да ичöt, шöр бизнес да социальнöй предпринимательство сöвмöдöм серти консультациясөн вöдитчыны позянлунсö паськöдöмөн сиктын экономикалы да бизнеслы отсалöм;

в) Коми Республикаын сиктса мутасьяс сöвмöдан юалöмьяс видлалігөн Россия Федерацияса Арктика зонаын, а сідзжö Россия Федерацияса этша лыда вужвойтырлөн нэмöвöйся олан да нэмöвöйся овмöс нуöдан иньясын меститчысь мутасьяслысь этносоциальнöй аслыспöлöслуньяссö тöд вылö босьтöм;

г) кооперативнöй (локальнöй кластернöй) подходьяс подув вылын социальнöй да предпринимательскöй уджьертасян везьяс лöсьöдöмөн ичöt да шöр бизнес предприятиеяслысь öтув уджалöмсö ёнмöдöм;

д) социальнöй юкöнын сиктса олысьясöс подув услугаясөн могмöдöм вылö веськöдöм öнйя цифрöвöй технологиясөн сиктын вöдитчыны, инновация проектьяслы отсавны позянлун;

е) сиктса мутасьясын олысьяслысь духовнӧй тыр-бура олӧмсӧ бурмӧдӧм могысь этнической да историко-культурнӧй позянлунӧн вӧдитчӧм;

ж) сиктса мутасьяс сӧвмӧдӧм серти меставывса водзмӧстчӧмьяслы отсалӧм;

з) сиктса мутасьяс комплекснӧя сӧвмӧдӧм вылӧ веськӧдӧм мераяс да пилотнӧй проектяс збыльмӧдӧм могысь канмулысь, бизнеслысь, фондьяслысь да мукӧд организациялысь ресурсьяссӧ ӧтувтӧм;

и) меставывса ӧткотырьяслысь социальнӧй капитал сӧвмӧдӧм, меставывса ӧткотырлысь инфраструктура сӧвмӧдӧм серти проектяс збыльмӧдӧм вылӧ колана компетенциясӧ велӧдан система лӧсьӧдӧм серти мераяс дасьтӧм;

к) гражданлӧн аскотыртан формаяс, сы лыдын мутасын ӧтйӧза асвеськӧдлӧм (МӦА) кызди сикт овмӧдчӧминьясын асвеськӧдлан форма ёнмӧдӧм;

л) этнической либӧ мукӧд ӧтйӧза организациялӧн ресурсьясӧн вӧдитчӧмӧн гражданскӧй ӧткотырлӧн зӱльлунлы отсалӧм, социальнӧй нырвизя абу коммерческой организацияслӧн сиктса мутасьяс сӧвмӧдны отсалӧм вылӧ веськӧдӧм удж вылӧ Коми Республикаын бур условияс лӧсьӧдӧм;

м) сиктын олысь семьяяслы отсалӧм;

н) сиктса мутасьясын олысьяслысь духовнӧй тыр-бура олӧмсӧ бурмӧдӧм могысь этнической да историко-культурнӧй позянлунӧн вӧдитчӧм;

о) йӧзкостса мичаторьяс да ремеслӧ вӧчӧмторьяс вӧчны да инавны отсалӧм;

п) алкоголизацияысь ӧлӧдӧм, садь юра да дзоньвидза оласногӧн да кыпыда дыр олӧмӧн паськыда тӧдмӧдӧм;

р) сиктса олысьяслы наркологической да психолого-педагогической ӧтсӧг котыртӧм серти колана мераяс лӧсьӧдӧм;

с) сиктса местаяс да сиктса оланног дорö бур видзöдлас лöсьöдöм;

т) Сöветлөн компетенцияö пырысь мукöд юалöм.

5. Ассыс могъяссö збыльмöдöм могысь Сöветлөн эм инöд:

1) корны урчитöм пöрадокын федеральной оломö пöртысь власьт органъяслөн мутас органъяслысь, Коми Республикаса оломö пöртысь власьт органъяслысь, Коми Республикаын меставывса асвеськöдлан органъяслысь Сöветлөн компетенцияö пырысь юалöмьяс серти материалъяс да юөр;

2) кывзыны аслас заседаниеяс дырйи Коми Республикаса канму власьт органъясса, Коми Республикаын меставывса асвеськöдлан органъясса чина йöзöс, бизнес-котырöс, öтйöза öтувьясöс, наука да мукöд организацияöс петкöдлысьясöс;

3) корны урчитöм пöрадокын Сöветлөн уджын участвуйтöм да юөр чукöртан-донъялан да экспертнöй уджъяс збыльмöдöм вылö наука да мукöд организация, а сіджö туялысьясöс, специалистъясöс да öтйöза организациясöс уполномочитöм петкöдлысьясöс, кодъяс уджалöны Коми Республика мутасын;

4) артмöдны недыр кадся уджалан группаяс да индыны Сöветöс петкöдлысьяс, туялысьяс, экспертъяс да специалистъяс лыдысь уджалан группаясөн юрнуöдысьясöс сы вылö, медым дасытыны Сöветлөн заседаниеяс дырйи видлалан юалöмьяс;

5) индыны сиктса мутасъяс комплекснöя сöвмöдöм вылö веськöдöм мераяс апробируйтöм могысь Коми Республикаын пилотнöй муниципальной юкөнъяс.

6. Сöветö пырöны Сöветөн веськöдлысь, сійöс вежысь, Сöветса секретар, Сöветö пырысьяс.

Сöветлөн уджөн юрнуöдö Сöветөн веськöдлысь либö сылөн тшöктöм серти Сöветөн веськöдлысьöс вежысь.

Сöветын уджсö збыльмöдöны дон босьттöг.

7. Сöветөн веськöдлысь:

өтүв юрнуөдө Сөветлөн уджөн;  
вынсьөдө Сөветлысь уджалан план;  
индө Сөветлысь заседание нуодан кадпассө, кадсө да инсө да  
вынсьөдө Сөветлөн заседаниелысь сёрнитанторсө;  
индө Сөветлөн заседаниеын корөм участвуйтысьясөс;  
нуөдө Сөветлысь заседание;  
кырымалө Сөветлөн заседаниелысь сёрнигижөдсө;  
юклө Сөветө пырысьяс костын кывкутана могьяссө, сетө налы  
торъя тшөктөмьяс да видзөдө найөс збыльмөдөм бөрся.

8. Сэк, кор Сөветөн веськөдлысьыс абу, либө сылөн тшөктөм серти  
сылысь кывкутана могьяссө пөртө олөмө Сөветөн веськөдлысьөс вежысь.

9. Сөветлөн удж серти вермөны лөсьөдны пыр уджалысь да недыр  
кадея комиссияяс, экспертнөй да уджалан группаяс, кытчө пырөны кызди  
Сөветө пырысьяс, сідзи и мукөд органөс, организацияөс да өтүвөс  
петкөдлысьяс, кодьяс оз пырны Сөветө, сы могысь, медым решитны  
Сөветлөн компетенцияө пырысь юалөмьяс. Сөветлөн комиссияясө,  
экспертнөй да уджалан группаясө пырысьясөс да наөн юрнуөдысьясөс  
вынсьөдө Сөветөн веськөдлысь.

10. Сөветө пырысьяс сетөны Сөветлысь уджалан план лөсьөдөм да  
Сөветлөн заседаниеса сёрнитанторьяс серти вөзйөмьяс да дасьтөны  
Сөветлөн заседаниеса сёрнитанторйө пыртөм юалөмьяс, а сідзжө сійөс  
решитан проектьяс.

Сэк, кор Сөветлөн заседаниеын участвуйтны позянлуныс абу,  
Сөветө пырысьяс гижөмөн юөртөны та йылысь Сөветса секретарлы  
Сөветлөн локтан заседаниеөдз куйм уджалан лунысь оз сёрджык да  
ыстөны Сөветса секретарлы видлалан юалөмьяс серти ассыныс  
видзөдласнысө гижөмөн.

11. Сөветса секретар Сөветлөн помшуөмьяс да Сөветө пырысьяслөн  
вөзйөмьяс подув вылын дасьтө вынсьөдөм вылө Сөветлысь уджалан план,  
лөсялана во вылө Сөветлөн заседаниеяслысь план, лөсьөдө Сөветлөн

заседаниелысь сёрнитантор, Сöветö пырысьяскöд öтув котыртö Сöветлысь уджсö юör чукартöм-донъялöм боксянь могмöдöм, юöртö Сöветö пырысьяслы локтан заседание йылысь да могмöдö колана справочнöй да юöртан материалъясöн сийöс нуöдны планируйтан лунöдз вит уджалан лунысь оз сёрджык, а сідзжö нуöдö да оформитö Сöветлөн заседаниеяслысь сёрнигижöдъяс да ыстö найöс кырымалöм вылö Сöветөн веськöдлысьлы, а сэк, кор сийö абу Сöветлөн заседание дырйи, – Сöветөн веськöдлысьöс вежысьлы Сöветлысь заседание нуöдан лунсянь дас уджалан лунысь оз сёрджык, ыстö Сöветö пырысьяслы да мукöд колана йöзлы Сöветлөн заседаниелысь сёрнигижöд сёрнигижöдсö кырымалöм бöрын вит уджалан лунысь оз сёрджык.

Сэк, кор Сöветса секретарыс абу, Сöветөн веськöдлысь либö Сöветөн веськöдлысьлысь кывкутана могъяс олöмö пöртысь вермöны сетны сылысь кывкутана могъяссö Сöветö пырысьясысь öтилы.

12. Сöвет котыртö ассыс уджсö тайö Положение да Сöветлөн уджалан план серти. Сöветлысь уджсö котыртанногөн лöбны очнöй да заочнöй заседаниеяс.

Сöветлысь заседаниеяссö нуöдöны коланлун дырйи.

13. Сöветлысь заседаниесö нуöдö Сöветөн веськöдлысь, а сэк, кор сийö абу, либö сылөн тшöктöм серти – Сöветөн веськöдлысьöс вежысь.

Сöветлөн заседаниеыс лыддысьö тыр вынаөн сэк, кор сэнi эмöсь сэтчö пырысьяс лыдысь джынсьыс абу этшаджыкөн.

Коланлун дырйи Сöветлөн заседаниеяс вылö вермöны корны Коми Республикаса канму власьт органьясса, Коми Республикаын меставывса асвеськöдлан органьясса чина йöзöс, контроль нуöдысь, инöд дорйысь да дöзьöр нуöдысь органьясöс, öтйöза да мукöд организацияöс петкöдлысьясöс, экспертъясöс да специалистъясöс, йöзöс юöртан средствоясöс петкöдлысьясöс, кодьяс оз лоны сэтчö пырысьясөн.

14. Сöветлысь помшүөмъяссö примитöны заседание вылö воём Сöветö пырысьяс лыдысь унджык гөлöсөн. Сэк, кор гөлöс лыдыс öтмында, вынаён лоö Сöветлөн заседание дырйи веськöдлысьлөн гөлöсыс.

Примитöм помшүөмкöд сöгластöмлун дырйи Сöветö пырысьяслөн эм инöд гижöмөн юöртны видлалан юалöм серти торья видзöдлассö, мый колö содтыны Сöветса заседаниелөн сёрнигижöд дорö.

15. Сöветлөн заседаниеяс дырйи примитöм помшүөмъяссö оформитöны сёрнигижöдөн да найö лоöны вöзьянаён.

16. Сöветлөн заседаниеяслысь сёрнигижöдьяссö кырымалан лунсянь вит уджалан лун чöжөн ыстöны сöветö пырысьяслы, а сідзжö наён тöдмöдöны колана органьясöс, организациясöс да учреждениеясöс.

17. Сöвет вермö примитны помшүөмъяссö сэтчö пырысьясöс гижöмөн юасьöмлөн бöртасьяс серти, кутшöмöс нуöдöма Сöветөн веськöдлысьлөн помшүөм серти.

18. Коми Республикаса национальной политика министерство котыртöм да технической боксянь да документационнöя мoгмöдö Сöветлысь уджсö.